

Til Alver kommune v/kommunestyret

UTTALE TIL ÅRSREKNESKAP OG ÅRSMELDING FOR 2022

Kontrollutvalet har i møte den 25.04.2023 handsama årsrekneskapen og årsmeldinga for 2022 for Alver kommune som er avgitt av kommunedirektøren høvesvis den 22.2.2022 og 31.3.22, samt tilhøyrande revisjonsmelding datert 17.04.2022.

Kommunen har i 2022 eit negativt netto driftsresultat på kr. 13 720 000,-.

Kommunedirektøren/kommunalsjef økonomi har gitt kontrollutvalet utfyllande orientering om årsrekneskapen og årsmeldinga og svart på spørsmål frå kontrollutvalet.

Revisor har, i revisjonsmeldinga, ikkje gitt merknadar til årsrekneskapen/årsmeldinga. Revisor har gitt kontrollutvalet utfyllande orientering i møtet og svart på spørsmål frå kontrollutvalet.

Med grunnlag i kontrollutvalet sine kontrollaktivitetar retta mot økonomiforvaltninga og ei samla vurdering tilrår difor kontrollutvalet at årsrekneskap og årsmelding for 2022 blir godkjent slik dei ligg føre.

Likevel ynskjer kontrollutvalet å nytta høvet til å informera kommunestyret om at kontrollutvala er oppmoda om å følgje med på kommunen si økonomiske handleevne over tid (jamfør FKT sin rettleiar for kontrollutvalet sin uttale til årsrekneskapen og årsmeldinga). Kontrollutvalet fekk difor i møtet 21.02.2023, sak 05/23, ei orientering om finansielle måltal og kommunal økonomisk berekraft og ein kort status om avslutning av årsrekneskapen. Med bakgrunn i informasjonen som kom fram i orienteringa gjorde då kontrollutvalet følgjande vedtak:

Kontrollutvalet tek informasjonen om finansielle måltal, KØB og status for avlegging av årsrekneskapen til orientering.

Kontrollutvalet ser med uro på den økonomiske berekrafta fram mot 2026 i lys av den vedtekne økonomiplanen for perioden.

Ut over det som er nemnd i uttalen, og det som går fram av saksframlegget til kontrollutvalet i rekneskapssaka, samt revisjonsmeldinga av 17.04.2022, har kontrollutvalet ikkje merknader til Alver kommune sin årsrekneskap og årsmeldinga for 2022.

Frekhaug/Alver, 25.04.2023

Kontrollutvalet

Kopi: Formannskapet